



*Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko Vijeće*

Lukavac 09.05.2016.godine

SLUŽBENI GLASNIK OPĆINE LUKAVAC

S A D R Ž A J 5/16

AKTI OPĆINSKOG VIJEĆA

- 1. Odluka o uslovima i načinu korištenja sredstava ostvarenih od zakupa poljoprivrednog zemljišta u vlasništvu države*
- 2. Odluka o izdvajanju finansijskih sredstava organizaciji porodica šehida-poginulih boraca Općine Lukavac za pomoć u stambenom zbrinjavanju*
- 3. Odluka o izmjenama i dopunama Odluke o utvrđivanju kriterija za raspodjelu sredstava za podsticaj mladima*
- 4. Odluka o stavljanju van snage Odluke o organizaciji općinske uprave*
- 5. Zaključak o odbacivanju zahtjeva broj: 01-31-3-94/16*



Bosna i Hercegovina
Federacija Bosne i Hercegovine
Tuzlanski kanton
Općina Lukavac
Općinsko vijeće

Broj: 01-02-1-621/16
Lukavac, 09.05.2016. godine

Na osnovu člana 32. Statuta općine Lukavac – Prečišćeni tekst- ("Sl. glasnik općine Lukavac", broj 5/08 i 1/14), člana 4. i člana 11.stav 4. Pravilnika o uslovima i načinu korištenja sredstava ostvarenih od zamjene, zakupa i koncesije poljoprivrednog zemljišta u vlasništvu države („Službene novine Federacije BiH“, broj: 78/09), Općinsko vijeće Lukavac je, na 38. redovnoj sjednici održanoj dana 28.04.2016.godine, donijelo

O D L U K U

o uslovima i načinu korištenja sredstava ostvarenih od zakupa poljoprivrednog zemljišta u vlasništvu države

Član 1.

Ovom Odlukom utvrđuju se uslovi i način korištenja sredstava ostvarenih od zakupa poljoprivrednog zemljišta u vlasništvu države za period od 2012-2016. godine.

Član 2.

Sredstva se koriste za mjere uređenja poljoprivrednog zemljišta namijenjenog primarno poljoprivrednoj proizvodnji, odnosno za primjenu agrotehničkih mjera, a posebno za produbljivanje oranica, osnovnu i dopunsku obradu, sprečavanje erozije, sprečavanje zakorovljenosti i sprječavanje zasjenjivanja susjednih parcela.

Član 3.

Pravo na korištenje sredstava ostvarenih od zakupa poljoprivrednog zemljišta u vlasništvu države imaju pravna i fizička lica koja koriste poljoprivredno zemljište u vlasništvu države, koji ispunjavaju slijedeće uslove:

- a) da su upisani u Registar poljoprivrednih gazdinstava ili Registar klijenata koji vodi Služba za opću upravu, privredu i društvene djelatnosti Općine Lukavac;
- b) da imaju sklopljen Ugovor o zakupu poljoprivrednog zemljišta u vlasništvu države sa Ministarstvom poljoprivrede, šumarstva i vodoprivrede Tuzlanskog kantona ili drugi dokaz o korištenju i vlasništvu zemljišta;
- c) da su ispunili obaveze po osnovu Ugovora o zakupu poljoprivrednog zemljišta u vlasništvu države;
- d) da su ostvarili neku od poljoprivrednih proizvodnji (biljnih) ili neku od poljoprivrednih djelatnosti (proizvodnja poljoprivrednih proizvoda).

Član 4.

Sredstva uplaćena od strane Ministarstva finansija Tuzlanskog kantona u budžet Općine Lukavac za period od 2012. godine do 2016. godine, u okviru ekonomskog koda 721121, u preostalom iznosu od 19.875,97 KM raspoređuju se licima iz člana 3. ove Odluke na način da se iznos sredstava utvrđuje na osnovu podnesenih zahtjeva nadležnoj Službi za primjenu agrotehničkih mjera na poljoprivrednom zemljištu.

Član 5.

Za realizaciju ove Odluke zadužuje se Služba za opću upravu, privredu i društvene djelatnosti i Služba za budžet i finansije.

Član 6.

Ova Odluka stupa na snagu narednog dana od dana objavljivanja u "Službenom glasniku općine Lukavac".

*PREDSJEDAVAJUĆI
OPĆINSKOG VIJEĆA*

Dr. Dževdet Osmanbegović s.r

1.



Bosna i Hercegovina
Federacija Bosne i Hercegovine
Tuzlanski kanton
Općina Lukavac
Općinsko vijeće

Broj:01-02-1-631-16

Lukavac, 09.05.2016.godine

Na osnovu člana 7. stav (2) Zakona o proračunima-budžetima u Federaciji Bosne i Hercegovine ("Službene novine FBiH", broj 102/13., 9/14., 13/14., 8/15. i 91/15.) i člana 99. Statuta općine Lukavac-prečišćeni tekst ("Službeni glasnik općine Lukavac", broj 5/08. i 1/14.), Općinsko vijeće Lukavac je, na 38. redovnoj sjednici održanoj 28.04.2016. godine, donijelo

O D L U K U

O IZDVAJANJU FINANSIJSKIH SREDSTAVA ORGANIZACIJI PORODICA ŠEHIDA- POGINULIH BORACA OPĆINE LUKAVAC ZA POMOĆ U STAMBENOM ZBRINJAVANJU

Član 1.

Iz sredstava budžeta općine Lukavac za 2016. godinu planiranih na poziciji "Transferi za stambeno zbrinjavanje boračke populacije" izdvojiti Organizaciji porodica šehida-poginulih boraca općine Lukavac za pomoć u stambenom zbrinjavanju - kupovinu stana Mekić (Osman) Nazi iz Lukavca, supruzi poginulog pripadnika OS BiH, finansijska sredstva u iznosu od **10.000,00 KM.** (slovima : deset hiljadakonvertibilnihmaraka).

Član 2.

Obavezuje se Organizacija porodica šehida-poginulih boraca općine Lukavac da doznačena novčana sredstva utroši u skladu sa članom 1. ove Odluke, te da putem Službe za komunalno-stambene poslove, boračko-invalidsku zaštitu i raseljena lica Općinskom vijeću Lukavac dostavi Izveštaj o namjenskom utrošku istih u roku od trideset / 30 / dana od dana realizacije.

Član 3.

Za realizaciju ove Odluke zadužuje se Općinski načelnik putem Službe za komunalno-stambene poslove, boračko-invalidsku zaštitu i raseljena lica i Službe za budžet i finansije.

Član 4.

Ova Odluka stupa na snagu danom objavljivanju u "Službenom glasniku općine Lukavac".

**PREDSJEDAVAJUĆI
OPĆINSKOG VIJEĆA**

Dr. Dževdet Osmanbegović s.r



Bosna i Hercegovina
Federacija Bosne i Hercegovine
Tuzlanski kanton
Općina Lukavac
Općinsko vijeće

Broj: 01-02-1- 68-2/16
Lukavac 09.05.2016. god

Na osnovu člana 32. Statuta Općine Lukavac – prečišćeni tekst („Sl. glasnik općine Lukavac“ broj 5/08 i 1/14) i člana 32. Odluke o izvršenju budžeta općine Lukavac za 2016.godinu („Službeni glasnik općine Lukavac“, broj 1/16), Općinsko vijeće Lukavac je na 38. redovnoj sjednici održanoj dana 28.04.2016.godine, donijelo

O D L U K U
o izmjenama i dopunama Odluke o utvrđivanju kriterija za raspodjelu sredstava za podsticaj mladima

Član 1.

U Odluci o utvrđivanju kriterija za raspodjelu sredstava za podsticaj mladima („Službeni glasnik općine Lukavac“, broj: 3/08 i 3/10) – u daljem tekstu: Odluka, u članu 3. dodaje se stav 2. koji glasi :

„Iznos sredstava predložen od strane Komisije za pitanja mladih, obrazovanje, kulturu i sport ne može se umanjiti bez saglasnosti iste prilikom donošenja Odluke o dodjeli sredstava od strane Općinskog načelnika.“

Član 2.

U članu 4. u stavu 1. brisati tačku i dodati tekst u iznosu do 3.000KM po projektu. U istom članu u stavu 3. iza riječi „načelnikom “ brisati „tačku“ i dodati tekst „u svakom konkretnom slučaju“.

Član 3.

U članu 5. dodaje se nova tačka „f“ koja glasi:
„infrastrukturni-društveni sadržaj za mlade (uređenje igrališta, sportskih poligona, vanjskih igraonica za djecu, parkova u krugu društvenih i školskih ustanova i sl).“

Član 4.

U članu 7. u stavu 1. briše se 3. alineja.
U istom članu u 4. alineji broj “20 zamijenjuje se brojem 15, a u 8. alineji, broj “5” zamijenjuje se brojem “10”.

Član 5.

Dodaje se novi član 8 koji glasi
„Uz prijavu na javni poziv potrebno je dostaviti:

- projekat na propisanom obrazcu sa prijedlogom finansijskog plana projekta
- dokaz o sufinansiranju projekta – za one projekte koji imaju sufinansiranje (ovjerena kopija, uvjerenja, izjave ili potvrde, garancija pravnog lica ili fizičkog lica koje će sufinansirati projekat, odnosno izvod sa bankovnog računa aplikanta kao dokaz da posjeduje sredstva predviđena za sufinansiranje)
- dokaz o pravnom statusu i djelatnosti podnosioca projekta (ovjerena kopija rješenja o registraciji)
- dokaz da je omladinska organizacija upisana u registar omladinskih organizacija kod nadležne općinske službe za upravu
- saglasnost nadležne općinske službe za projekte koji se realizuju na javnoj površini (postavljanje klupa, korpi za otpatke, sadnice i slično)
- završni obračun (bilans stanja i uspjeha)”

Član 6.

Mijenja se postojeći član 8. koji je izmjenom Odluke postao član 9. i glasi:

“ Korisnici sredstava su dužni podnijeti izvještaj o realizaciji projekta i utrošku sredstava Komisiji za pitanja mladih, obrazovanje, kulturu i sport u roku od 30 dana od realizacije projekta. (Prilog br.3).

Korisnici sredstava su obavezni priložiti kopije fiskalnih računa ili uplatnice i fotografije o realizaciji projekta.

Korisnicima sredstava koji nisu dostavili izvještaj o realizaciji projekta Komisija neće odobriti sredstva za novi projekat.“

Član 7.

U postojećem članu 9., koji je izmjenom Odluke postao član 10., mijenja se stav 2. i glasi:

„ Sastavni dio ove Odluke su prilozi:

- 1. Obrazac prijave (Prilog 1)*
- 2. Obrazac projekta (Prilog 2)*
- 3. Obrazac Izvještaja o realizaciji projekta (Prilog 3)“*

Član 8.

Dodaje se novi član 11. koji glasi :

„Komisija neće podržati:

- projekti usmjereni na promociju političkih partija*
- projekti podnosioca zahtjeva sa druge općine*
- projekti kojima se finansiraju bruto i neto plaće i osnovne djelatnosti*
- projekti kojima je jedina svrha korist zaposlenih u pravnom licu*
- projekti koji podrazumjevaju isključivu nabavku hrane, odjeće, namještaja, kancelarijskog materijala i sl.*
- projekti predlagača koji ne ispunjavaju uvjete Kriterija za podsticaj mladima*
- projekti udruženja koji svoje aktivnosti ne obavljaju u skladu sa zakonom i pravilima koja vrijede za nediskriminaciju na osnovu jezika, religije, nacionalnog ili socijalnog porijekla, političkog ili drugog mišljenja, spola, hendikepa ili starosti ili na bilo koji drugi način*

Član 9

Dosadašnji član 10. Odluke postaje član 12.

Član 10.

Ova Odluka stupa na snagu danom objavljivanja u «Službenom glasniku općine Lukavac».

*PREDSJEDAVAJUĆI
OPĆINSKOG VIJEĆA*

Dr. Dževdet Osmanbegović s.r

PRIJAVNI OBRAZAC

<i>Podaci o podnosiocu zahtjeva</i>	
<i>Naziv:</i>	
<i>Adresa:</i>	
<i>Tel:</i>	
<i>E-mail:</i>	

Datum predaje projekta: _____

Naziv projekta:

Ukupna vrijednost projekta: _____

Očekivani iznos sredstava sa stavke „Podsticaj mladima“: _____

<i>Kontakt osoba:</i>		<i>Tel:</i>	
<i>Ovlaštena osoba:</i>		<i>Tel:</i>	

<i>Identifikacijski broj:</i>																			
<i>Transakcijski račun:</i>																			

Tačan naziv banke i adresa:

Uz zahtjev prilažemo sljedeću dokumentaciju:

- 1. Popunjen obrazac prijave*
- 2. Dokaz o pravnom statusu i djelatnosti podnositelja (ovjerena fotokopija rješenja o registraciji)*
- 3. Projekat na propisanom obrazcu sa prijedlogom finansijskog plana projekta*
- 4. Dokaz o sufinansiranju projekta – za one projekte koji imaju sufinansiranje (ovjerena kopija uvjerenja, izjave ili potvrde, garancija pravnog lica ili fizičkog lica koje će sufinansirati projekat, odnosno izvod sa bankovnog računa aplikanta kao dokaz da posjeduje sredstva predviđena za sufinansiranje)*
- 5. Dokaz da je omladinska organizacija upisana u registar omladinskih organizacija kod nadležne općinske službe za upravu*
- 6. Saglasnost nadležne općinske službe za projekte koji se realizuju na javnoj površini (postavljanje klupa, korpi za otpatke, sadnice i slično)*
- 7. Završni obračun (bilans stanja i uspjeha)*

M.P

Ovlaštena osoba podnosioca zahtjeva

*Naziv podnosioca projekta,
adresa, telefon i e-mail*

NAZIV PROJEKTA

Mjesto i datum

Oblast na koju se projekat odnosi
Ideja projekta, zašto je ovaj projekat važan.

II. CILJEVI PROJEKTA

- Na koji način projekat rješava određeni problem, vizija projekta, mjesto realizacije projekta.
- Po mogućnosti dati detaljan opis projekta, navesti sve projektne aktivnosti i vremensku dinamiku realizacije projekta - programskog sadržaja.
- Način praćenja realizacije projekta.
- Zadužena osoba za realizaciju projekta, odgovorna osoba.

III. DETALJAN BUDŽET PROJEKTA

Budžet treba da sadrži iznos sredstava predviđen za realizaciju projekta prema sljedećim stavkama:

- Ukupnu vrijednost projekta po stavkama (unijeti u tabelu),
- Ljudski resursi (potrebno angažovanje stručnog lica, troškovi),
- Oprema (Ako je potrebna - iznos sredstava),
- Ostale aktivnosti,
- Ostalo.

Projekat bi trebao biti što konkretniji sa mjerljivim pokazateljima i da je realan tj. primjeren vremenu i uslovima za realizaciju projekta.

Finansijski plan projekta			
Red. br.	Naziv pozicije	Iznos sredstava, koja se traže sa pozicije „Omladinski projekti“	Iznos pokriven ostalim izvorima sredstava
1			
2			
3			
4			
5			
6			
7			
8			
9			
10			
Ukupno:			

. M.P

Ovlaštena osoba podnosioca zahtjeva

*Naziv korisnika sredstava,
adresa, telefon i e-mail*

IZVJEŠTAJ O REALIZACIJI PROJEKTA

Datum izvještavanja: _____

IZVJEŠTAJ O REALIZACIJI PROJEKATA

(Naziv projekta)

NAZIV ORGANIZACIJE / GRUPE			
Mjesto gdje je projekat realiziran			
Oblast			
Vremenski okvir u kojem je projekat sproveden	Datum početka projekta:	Datum završetka projekta:	
Utrošena sredstva / realizovani budžet	UKUPNA VRIJEDNOST (KM):	Donacije:	Vlastito učešće (KM):

Projektni tim (učesnici /aktivisti u projektu) Koliko osoba iz vaše organizacije/ grupe je sudjelovalo na projektu i na koji način? Navedite sve aktiviste u projektu¹

Opišite korisnike projekta / vašu ciljnu grupu i da li ste uključili sve kategorije kao što ste naveli u aplikaciji

UKUPAN broj korisnika projekta:	muškaraca:
	žena:

Da li stvarni broj korisnika odgovara planiranom, očekivanom broju?

Izjave vaših korisnika o značaju projekta i aktivnostima na projektu:

Koji su bili projektni ciljevi vašeg projekta? Da li su ostvoreni i u kojoj mjeri? ²

Da li je problem koji ste opisali u aplikaciji potpuno riješen? Ima li nešto što niste ostvarili?

Koji su konkretni mjerljivi rezultati projekta? Možete priložiti i dodatni materijal (slike, CD, primjer postera...)

Opišite aktivnosti koje ste sproveli u okviru projekta. Da li ima odstupanja u odnosu na planirane aktivnosti?

Da li ste imali nepredviđene poteškoće u projektu i kako ste ih riješili?

Da li ste uradili i nešto dodatno, što nije bilo planirano u projektu?

¹ Navodite osnovni projektni tim i sve koji su realizovali projektne aktivnosti. Npr. sve učesnike radne akcije, sve izvođače u kulturnoj manifestaciji, sve voditelje radionica Ako imate spiskove učesnika, priložite ih uz projektni izvještaj.

² Napišite ciljeve vašeg projekta kao u aplikaciji. Da li ste ih ostvarili i kako to možete mjeriti.

FINANSIJSKI IZVJEŠTAJ - budžet projekta³

Sredstva utrošena po osnovu općinske Odluke o dodjeli sredstava				
<i>redni broj</i>	<i>Datum</i>	<i>Račun izdat od</i>	<i>Opis stavke</i>	<i>Iznos (KM):</i>
UKUPNO:				

Budite slobodni da proširujete tabelu u skladu sa potrebama za vaš izvještaj

Vlastito učešće u projektu:					
<i>Novčana sredstva koja ste obezbjedili na druge načine za realizaciju ovog projekta</i>					
<i>redni broj</i>	<i>Datum</i>	<i>Račun izdat od</i>	<i>Opis stavke</i>	<i>Iznos (KM):</i>	
UKUPNO				<i>(novčana sredstva od drugih donatora i vlastito finansijsko učešće):</i>	

Vrijednost volonterskog rada na projektu:					
<i>redni broj</i>	<i>Datum akcije/ volonterskog rada</i>	<i>Broj volontera</i>	<i>Ukupan broj volonterskih sati</i>	<i>Vrijednost volonterskog rada po satu</i>	<i>Vrijednost volonterskog rada u akciji:</i>
UKUPNO					<i>(vrijednost volonterskog rada u projektu):</i>

Budite slobodni da proširujete tabelu u skladu sa potrebama za vaš izvještaj

Ukratko opišite promotivne aktivnosti na projektu:

. M.P

Ovlaštena osoba podnosioca zahtjeva

³ Uz tabelarni prikaz troškova aplikanti su obavezni donijeti kopije **FISKALNIH RAČUNA** ili primjerak virmana i fotografije o realizovanoj aktivnosti.



Bosna i Hercegovina
Federacija Bosne i Hercegovine
Tuzlanski kanton
Općina Lukavac
Općinsko vijeće

Broj: 01-02-1-642/16
Lukavac, 09.05.2016. godine

Na osnovu člana 32. Statuta općine Lukavac – Prečišćeni tekst- (“Sl. glasnik Općine Lukavac”, broj 5/08 i 1/14), člana 4. i člana 11.stav 4. Pravilnika o uslovima i načinu korištenja sredstava ostvarenih od zamjene, zakupa i koncesije poljoprivrednog zemljišta u vlasništvu države („Službene novine Federacije BiH“, broj: 78/09), Općinsko vijeće Lukavac je, na 38. redovnoj sjednici održanoj dana 28.04.2016.godine, donijelo

ODLUKU
o stavljanju van snage Odluke o organizaciji općinske uprave

Član 1.

Ovom Odlukom stavlja se van snage Odluka o organizaciji općinske uprave (“Sl. glasnik Općine Lukavac” broj: 1/15, 4/15, 7/15, 9/15 i 2/16).

Član 2.

Odluka stupa na snagu danom objavljivanja u “Službenom glasniku Općine Lukavac”.

PREDSJEDAVAJUĆI
OPĆINSKOG VIJEĆA

Dr. Dževdet Osmanbegović s.r



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj: 01-31-3-94/16

Lukavac, 09.05.2016. godine

Na osnovu člana 123. stav 2. Zakona o upravnom postupku Federacije Bosne i Hercegovine ("Službene novine FBiH" broj: 2/98 i 48/99) i člana 32. Statuta općine Lukavac-prečišćeni tekst ("Službeni glasnik općine Lukavac" broj: 5/08 i 1/14), Općinsko vijeće Lukavac je na 38. sjednici održanoj dana 28.04.2016.godine, donijelo

ZAKLJUČAK

Odbacuje se zahtjev Husić Sulje iz Lukavca, podnesen ovom organu dana 20.01.2016. godine, jer nema uvjeta za pokretanje upravnog postupka.

Obrazloženje

Husić Suljo iz Lukavca, putem punomoćnika Mušanović Tefide advokata iz Lukavca, obratio se ovom organu dana 08.08.2014. godine, sa zahtjevom za dodjelu zemljišta putem konkursa, označenog po novom premjeru kao k.č.br. 2710/2 i k.č.br. 2710/1 k.o. Lukavac i to u skladu sa Zakonom o građevinskom zemljištu ("Službene novine FBiH", broj: 25/03 i 67/05).

Uz predmetni zahtjev priloženo je slijedeće:

- Neovjerena kopija pravosnažnog rješenja Opštinskog vijeća Lukavac broj: 09/1-475-9/98 od 16.04.1998. godine,
- Neovjerena kopija pravosnažnog rješenja Službe za prostorno uređenje, obnovu i poduzetništvu Lukavac broj: 05/3-23-3-3665/99 od 18.04.2000. godine,
- Neovjerena kopija rješenja Sektora za geodetske, imovinske i stambene poslove Lukavac broj: 02/7-04/3-31-3-820/04 od 08.10.2004. godine i
- Punomoć za zastupanje od 18.02.2016. godine.

Po podnešenom zahtjevu ovaj organ nije mogao voditi upravni postupak, zbog toga što se radi o preuranjenom zahtjevu iz naprijed navedenih razloga:

- podneseni predmetni zahtjev za odnosi na dodjelu zemljišta putem javnog konkursa i to u skladu sa Zakonom o građevinskom zemljištu ("Službene novine FBiH", broj: 25/03 i 67/05),
- odredbom člana 370. stav 1. Zakona o stvarnim pravima Federacije Bosne i Hercegovine ("Službene novine FBiH", broj: 66/13), prestanak primjene ostalih propisa, propisano je danom stupanja na snagu ovog zakona prestaje primjena svih važećih propisa koji pitanje raspolaganja nekretninama u državnom vlasništvu određuju na drugačiji način u odnosu na odredbe ovog zakona,
- odredbom člana 363. stav 1. Zakona o stvarnim pravima FBiH, raspolaganje nekretninama u vlasništvu Federacije, kantona i jedinica lokalne samouprave, propisano je da nekretninama u vlasništvu Federacije, kantona i jedinica lokalne samouprave, mogu raspolagati nadležna tijela tih jedinica

- samo na osnovu javnog konkursa i uz naknadu utvrđenu po tržišnoj cijeni, ako posebnim Zakonom nije drugačije određeno,
- odredbama članova 3. stav 1. tačka c) i 7. stav 1. Pravilnika o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, općina i gradova ("Službene novine FBiH", broj: 17/14), propisano je da Odluku o načinu i uvjetima raspolaganja nekretnine u vlasništvu gradova i općina, donosi gradsko, odnosno općinsko vijeća na prijedlog načelnika općine odnosno gradonačelnika grada i da se raspolaganje nekretnine u vlasništvu Federacije BiH, kanton, gradova i općina, kao jedinica lokalne samouprave objavljuje putem oglasa najmanje u jednom dnevnom listu koji se izdaje u Federaciji BiH, i to najkasnije 15 dana prije dana određenog za dan licitacije.

Shodno prethodno navedenim materijalnim propisima kojim je regulisana predmetna materija, kao i činjenicama utvrđenom u predmetnom zahtjevu odnosno da se podneseni predmetni zahtjev odnosi na dodjelu zemljišta putem konkursa na osnovu Zakona o građevinskom zemljištu, da su se odredbe koje regulišu predmetnu materiju prethodno navedenog Zakona prestale primjenjivati, da je odredbama važećeg materijalnog propisa Zakona o stvarnim pravima propisano da "nekretninama u vlasništvu jedinica lokalne samouprave mogu raspolagati nadležna tijela samo na osnovu javnog konkursa i to nakon donesene Odluke općinskog vijeća a po prijedlogu načelnika općine", da za raspolaganje predmetnim nekretninama nije donesena navedena Odluka kao i da nije raspisan konkurs, da podnosioc zahtjeva ne može zahtjevati donošenje navedene Odluke kao i raspisivanje konkursa, nego je to isključivo i diskreciono pravo jedinice lokalne samouprave, a nakon donošenja Načelnog rješenja o urbanističkoj saglasnosti od strane nadležne službe za urbanizam, te da podnosilac zahtjeva samo može inicirati prema nadležnim službama donošenje navedenog rješenja i poslije toga prijaviti se na konkurs nakon objavljivanja istog, na osnovu člana 123. stav 2. ZUP-u, riješeno je kao u dispozitivu ovog zaključka.

POUKA O PRAVNOM LIJEKU:

Protiv ovog zaključka ne može se uložiti žalba, ali se može tužbom pokrenuti upravni spor kod Kantonalnog suda u Tuzli u roku od 30 dana od dana prijema ovog zaključka.

PREDSJEDAVAJUĆI
OPĆINSKOG VIJEĆA

Dr. Dževdet Osmanbegović s.r

**SLUŽBENI GLASNIK OPĆINE
L U K A V A C**

Broj:5/16

Izdaje :.....Općina Lukavac

Uređuje.....Stručna Služba Općinskog vijeća

Adresa.....Općina Lukavac - Općinsko vijeće

Telefon - fax:035/553-253

Službeni glasnik izdaje se po potrebi